



Ушормо эл, порымук да гим верр!

12 (3244) №,
2016 ий 19 март,
шуматкече.

ЯМДЕ ЛИЙ

0+

1933 ий 1 февраль годсек лектеш.

“Келшен илаш тунемына!” - “Учимся жить в мире и согласии!”


Марий Эл Республикысе йоча да подростко-влакын организационныйштын «Эр вий» – «Юная сила» ушемштын проектше

**Марий Эл, Мордовий, Татарстан, Карелий республикыла,
Одо, Пермь да Угарман (Нижегородский) кундемла гыч
13-17 ияш самырык-влакым ушнаш үжына.**

*Проект Россия Президентын 01.04.2015 ийысе 79-рп
№-ан күйшымашыж дене келшышын грантлан
ойырым кугыжаншын полш күйшеш да
Национальный благотворительный
фондын эртарыме конкурс негы-
зеш илышыш шындаралтеш.*

*Марий Элыште эртаралташ
Йоча да молодёжь
тўнямбал лагерыште
тений августышто
вашлиймеш!*

**ДОБРО ПОЖАЛОВАТЬ -
ПАЛАЕЧІ ҮЖЫНА!**



Маргарита МАЛАНОВА, «Эр вий» ушемын вуйлатышыже:

– Проектын тўн ужашыжлан этнокультур ден кылдалтше молодёжный социальный проект ярмиҥга шотлалтеш. «Ме ик еш гай улына» («Мы – единая семья») номинаций Россияыште илыше калык-влакын йўлаштым, йылмыштым, тўвыраштым аралыме да шымлыме паша дене кылдалтын. Тыгак ике калыкын да воктене илыше калыкын тўвыражым вияндымашке вичтаралтын.

7 апрель марте
sdpoeriy@mail.ru элек-
трон адресыш йодмашым кол-
тыман, “Вконтакте” соцсетьыш-
те «Учимся жить в мире и согла-
сии» тўшкаш командыдан пре-
зентацийжым верандыман.

Вес номинаций – «Самырык-влакын шочмо мланде верч тыршынамашыт!» («Родной земле заботу юных!») – добровольческий проект-влакым уша. «Шыргыжмашетым весылан пўлекле» («Поделись улыбкою своей») номинацийыште творческий коллектив але калык кидпаша студий-влакын проектыштым ончаш тўжалына.



**21 март -
Вудын тўням-
бал кечыже**



Тений февраль кыдалне Юл кундемысе кугыжаныш технологический университетше кугурак класслаште тунемше-влак коклаште вуд дене кылдалтше проектым аралыме республикысе конкурс эртен. Тушко 10 паша пурен. Сенгышыш лектыныт:

I вер - Михаил Кузнецов (Политехнический лицей-интернат), **II вер** - Лилит Оганнисян (Оршанке кыдалаш школ), **III вер** - Антон Пекпулатов (Совет Ушем Герой А.М.Яналов лўмеш 1-ше номеран Шернур школ).

Марий Эл Республикысе йоча экологий да биологий рўдерын уверже почеш ямдылыме.

Вуд

Яндар, пайдале.

Йўына, йўштылына, мушкылтына. Айдемылан эн кўлешан.

Илыш.

Витя ХАЛТУРИН, 9-ше класс. Советский, Ўрша.

Йолташем

Андрей Мушкин - сай йолташем. Парт коклаште йыгыре шинчена, математике кружокыш пырля коштына. Андрей кнйгам шуко лудеш, чыла предмет дене «4» да «5»-лан тунемеш. Англичан йылмым йўрата. Шуко палымыжым районысо тўрлў конкурсышто, научно-практический конференциялаште ончыкта. Ятыр Чап грамотшо уло.



Эдуард БОЛЬШАКОВ. Звенигово, Эсмекплак.

Сайлымаш кече



Тен. Тунемше-влак сўрет конкурсышто тагасеныт, «Самырык йўк» темым тарватеныт. «Школ парламентыш йўклымаш» модыш эн онгай лийын. Индешымше классыште тунемше-влак, кок тўшкалан шелалтын, тўрлў мер толкыным чумыреныт, программым возен, агитацийым эртареныт. Сайлымаш кечын 2-9-ше класслаште тунемше-влак шке йўкыштым келшыше ушемлан пуэныт. Тыгай модыш йоча-влакым сайлымашлан ямдыла, элын очыкылыкшо самырыкын кидыште улмым ўшандарен ончыкта.

Морко, Энерсола.

Уверлан уло вер

Марий Эл Республикысе Кугыжаныш Погынын депутатше-влак Ийготыш шудымо-влакын пашашт да нунын праваштым аралыме шотышто комиссий дене пырля погынымашым эртареныт. «Йоча-влакым осал корныш логалме деч утараш ешартыш образованийым пуышо тўнеж-влак полшен кертыт», - ойланыт специалист-влак. Республикыште тўрлў сынан (физкультур да спорт, краеведений, технике, художественно-эстетике, шанче да молат) 49 организаций уло. Тушко 38 тўжем йоча коштеш.

* * *

Марий Эл Республикын Виктерыштыже йоча-влакын кенежымсе канышыштым сайын эртарен колтымо йодышым канашыме. Республикым Вуйлатышын мутшо почеш, казна гыч 12 миллион тенге оксам ойыраш палемдыме.

Школыштына «Самырык йўкылышў-влакын арняшт» эртен. Тунемше-влак сўрет конкурсышто тагасеныт, «Самырык йўк» темым тарватеныт. «Школ парламентыш йўклымаш» модыш эн онгай лийын. Индешымше классыште тунемше-влак, кок тўшкалан шелалтын, тўрлў мер толкыным чумыреныт, программым возен, агитацийым эртареныт. Сайлымаш кечын 2-9-ше класслаште тунемше-влак шке йўкыштым келшыше ушемлан пуэныт. Тыгай модыш йоча-влакым сайлымашлан ямдыла, элын очыкылыкшо самырыкын кидыште улмым ўшандарен ончыкта.

М.А.БУТЕНИНА, туныктышо.

Пеледыш гай улыда

8 Март - пеш сылне пайрем. Тиде кечын ковам Надежда Михайловна ўстел йыр уна-влакым погыш. Поро кумылан ковамлан пиалым, тазалыкым да пеледыш гай мотор лияш тыланем.

Юлия АНИСИМОВА.

Морко, Коркатово.

* * *

Авам 32 ияш. Тудо чыве фермыште пашам ышта. Ме кум йочаже улына. Авай, тыйым чот йўратена.

Михаил ЮТИН, 2-шо класс. Параньга, Элпанур.



нерген урокышто ятыр гана ойленна, а ынде шкенжым ужын мутланаш йўн лекте. Тудо йоча жапшым шарналтыш, почеламутшо-влакым лудо. Тудын автографшымат нална.

Куженер, Конганур.

Вашлиймаш

Школыштына писатель Валентин Осипов-Ярча, мурызо Геннадий Григорьев да «Марий Эл» газетын фотожурналистше Михаил Скобелев дене вашлиймаш эртыш. Валентин Иванович

Миша СВЕЧНИКОВ.

Öршаште – Ёярня



Пайрем годым.

Кодшо рушарнян ялыштына Ёярня пайрем эртен. Тудым клуб пашаен, туныктышо да 9-ше классыште тунемше-влак ямдыленыт. Елена Иванова ден Артём Загайнов вудышö лийыныт, тёрлö модышым эртареныт. Настя Мочалова ден Оля Чепайкина мелман кўэштыныт, а Юлия Мочалова ужален. Изижге-кугужге тёрлö конкурсышто модыныт: кладым кычалыныт, муреныт, куште-ныт, шинчам шовыч дене кылден, призым пўчкеденыт. Кылмен шогаш иктат ярсен огыл. Лотерей модышышто чылалан пöлек логалын. Мотор пайремым ышташ Надежда Тойбулатовна Михайлова ден Анатолий Тойбулатович Антропов, Косьма да Дамиан лўмеш верысе черкын пашаенже, матушка Руфина полшеныт.

Р.Г.АНТРОПОВА, туныктышо. Советский, Öрша.

Шошо толеш

Кече кўшыч ончалеш, Шўргем йыштак чыгылта. Лумат эркин шулалеш, Корным угыч лазырта. Агытанже куанен, Оным веле кадыртен. Шошым шижын,

чыве-влак Муным мунчаш пеш вашкат.
Катя ФОМИНА. Марий Турек, Сардаял.

Туныктышылан польш




"Марий йылмым тунемына"

Тыгай лўман электронный образовательный ресурс Интернетысе образовательный порталыште верланен. Лач тыште марий йылме урок-влаклан келыштарыме модуль-влак улыт. Кажныже аудирование (колыштын умылымаш), лудмаш, кутырымаш да возымаш гыч шога. Мутлан, 9-ше классыште «Шернур кундем» темым тунемына гын, тыгаяк лўман модульым урокыштак тиде порталыште почына. Тыгак тёрлö ешартыш материалым муаш да темлыме заданий-влакым ышташ лиеш. Заданийжым мöнгысö паша семьинат пуаш йöнан. Икшывыштлан ача-ава-влакат полшен кертыт. Айста марий йылмынам пырля тунемына.

О.Н.ВАСЕНИНА, туныктышо. Йошкар-Ола, 21-ше номеран школ.

Ты кечым Кократово лицейын тунем-шыже **Елена ФЛЕГЕНТОВА** шуко жап шарнаш тўналеш, шонена. 2015 ийым иктеш-лыме почеш юнкорна «Резе йўк» конкурсын **З.Е.Яковлева лўмеш премийжым сулен** налын. Тудлан планшетым да «Ямде лий» газетын дипломжым кучыктенна (снимкыште). «Сегымашемлан чылан: йолташем, туныктышо-влак, ешем да родо-тукы-мем – йывыр-



«Резе йўк» конкурсын учредительже – «Ший памаш» сылнымут фонд. Вуйлатыше – писатель **Василий КРАСНОВ. Кугу таум ойлена!**



Шергакан пöлек

2015 ийыште юнкор да литературно-творческий, краеведческий пашам сайын виктарен колтымывлан **В.Б.Исенеков лўмеш премийым Морко район Энерсола тўн школлам пуымо**. Принтер пöлекым да дипломым йоча-влакым сылнымутлан шўмангыше туныктышо Мариана Александровна Бутениналан да чолга тунемше Юля Тимофеевалан «Илыше классике» район конкурсышто кучыктымо (снимкыште).

Саламленыт, ончыкыжымат чолга лияш тыланеныт. Мыйын але марте планшет лийын огыл. Тыгай шергакан пöлекым налаш – кугу пиал!» – куанен ойла Елена.

Л.ГРИГОРЬЕВА. Н.СЕМЕНОВАН фотожо-влак.

Каныш кече

Ме, йоча-влак, ече дене курык гыч пикшла волена. А кумда пасушто коштмеке, сайын чучеш, тазалык пенгыдемеш, кумыл кўза. Ме каныш кечым йолташем-влак дене пайдалын эртарена.

Пётр АНТРОПОВ, 2-шо класс. Шернур, Лажъял.



Тыгай
 ұжмаш
 дене
 ила да па-
 шам ышта
 Морко посёлкыш-
 то «Пеледыш тўня»
 кевытым кучышо
 амалкалче Т.В.Га-
 врилова (сним-
 кыште).

Куаным пөлеклыза икте-весылан!

«Илышы н
 сөраллыкше –
 пашаште,
 ойла Татьяна
 Васильевна. –
 Мыняр шуко
 пашам ыштет
 – илыш тунар
 шукырак ку-
 ным пөлекла. Ты
 куаным, поры-
 лыкым мый
 калыклан конден кертам
 гын, тунам ұмырем арам
 илен ом эртаре, шонем. А
 порылык сай пашаште
 шочеш».

Ең-влак икте-весым
 пагалышт, йоча-шамыч
 поро кумылан кушкышт
 манме шонымаш дене
 Татьяна Васильевна шочмо
 Энерсола ялыштыже
 «Ший онгыр» рушарня
 школым почаш полшен.
 Шкежак кажне рушарня
 йоча-влакым пога. Нуно
 пырля православный моли-
 тва-влакым лудыт, модыт,
 тўрлө пайремым эртарат,
 кочкышым шолташ, кид-
 пашам ышташ тунемыт,
 пеледыш нерген мутланат.
 «Кажне кушкылын – шке
 секретше, – канашым пуа
 Т.В.Гаврилова. – Нуным
 йораташ да



ончаш, эскераш кўлеш».

Кевытысе пеледыш тўня
 моткоч поян: 70 тўрлө куш-
 кыл марте лиеда. Каж-
 ныжын ойыртежым палы-
 ман, лывыжгыме деч шек-
 ланен шуктыман.

Тидын шотыш-
 то озалан
 кевытче-влак
 Надежда
 Виноградова
 ден Руфия
 Ямалеева
 улыш-
 калат.
 Сўанлан,
 лўмгечы-
 лан, школ
 дене чеверласыме
 каслан, школлаш-
 те эртарыме
 «Пытартыш
 онгыр» да моло
 пайремлан аршаш-
 влакым амалкалче

шкеак кельш-
 тара да каласы-
 ме верышке
 намиен пуа.
 «Пеледыш тў-
 няште» кажне
 ең шкаланже
 келшыше сатум
 налын кергеш.
 Кугурак ийго-
 тан-влак, пакча
 паша тургым
 лишемме дене,
 нōшмылан пу-
 рат. Самырык-
 влак пеледыш
 аршашым йо-
 дыт. Пөлемысе
 кушкылым ут-

ларакше ўдыра-
 маш-влак
 налыт. Йоча-шамычлан
 сувенир кўлеш. «Илыш
 ончыко кая: у еш чумырга,
 икшыве шочеш да тулеч
 молат – икте-весылан
 куаным пөлеклаш, илышым
 сōрастараш манын, пеле-
 дыш эре кўлеш», –
 ойла Татьяна
 Васильевна Гаврилова.
Л.ГРИГОРЬЕВА.



Фиалке
 ятыр жап вўд
 деч посна илен
 кергеш.



Орхи-
 дейлан ик тылзы-
 лан ик гана шавымат
 сита. Вўдым пеледыш
 кōршōк пундашыш
 пыштыман.



Бегоний
 вўдым чот
 йōрата, санде-
 не пеледы-
 шым чўчки-
 дын йўктыман.



Йўштō теле
 почеш

Чевер шошо толеш.
Кечыжат шыргыжеш –
Пўртўсна ылыжеш.
Алёша АНИСИМОВ.
 1-ше номеран
 Морко школ.

Чеверын, теле! Салам, шошо!

Мемнан деке угыч шошо вашка. Шошо – йырваш пелед-
 ме, ылыжме пагыт. Чыла чонан куана. Кайык-влак шокшо
 вел гыч пōртылыт. Мый шырчыкым поснак чот йōратем.
 Омартамат ыштен ямдыленна. Чодыраште вашке
 кўдыронгыр пеледалтеш. Варарак тўрлө тўсан пеле-
 дыш-влакым ужаш лиеш. Мый шошым йōратем!

Евгения ВАСИЛЬЕВА, 3-шо класс.
 Волжский, Сотнур.



Тунемаш толза!

Мый Пўнчер ялыште шочынам, Чорай гимназийыш окаш толмемлан нимыняр ом окыно. Гимназий пеленысе интернатшыште у мебельым вераңденыт. Школым шукерте огыл пеш сайын олмыктеныт. Марий гимназийыште пеш сай, толза тышке тунемаш!

Элеса АПЛАТОНОВА.
Пошкырт кундем,
Мишкан район.

Фотошто Свердловск область Краснокам район Юа села гыч вич ияш Даша ден кум ияш Андрюша Бабайловмытым ужыда. Нуно йочасадыш коштыт. Сылне марий вургемым ковашт, Юасе тале кидмастар Роза Ярмиевна Андреева, урген пуэн. Даша марий тувырым чияш да марий мурым мураш пеш йората, а Андрюша марий сем почеш тавалтен колта. Кова тыгыде шер гыч сылне арвер-влакым ыштылеш. Даша пеленже пидаш тунемеш, а изи Андрей шер пырче-влакым пуэда. Теве тыге Даша ден Андрюша ковашт пелен кидпашалан тунемыт.

И.ЯМБАРШЕВА.

Чонан скульптур

Телым школ кудывечыште лум гыч түрлө яныкым иянден чиялтенна ыле. Нуно чыланат чонан гай койыныт. Ялысе калык, уна-влак ончаш толеденыт. Районышто ончыл верым налынна. Тиде пашалан шуко вийым биологийым туныктышо Владислав Александрович ден библиотекарь Алевтина Ивановна пыштеныт. Тыгак ача-ава-влак тыршеныт.

Настя ТАРАСОВА, 7-ше класс.
Татарстан, Мамадыш район,
Кугу Шия.

Дневникыште – чыла «5»-ан!

Лиза Сайпушева (снимкыште) Пошкырт кундем Краснокам район Арлан школышто луймшо классыште чыла «визытанлан» тунемеш. «Мыланем изинек филологий келша. Шочмо марий йылмым да литературым йоратен тунеммаш англичан йылмым келгырак шымлаш кумыланда, – ойла ўдырўен. – Марий йылмым да литературым Лидия Имановна Митаева туныкта».

– Чыла «5»-лан тунемаш могай койыш-шоктышан лийман?

– Чытыше, пекгыде, шонымашке шуаш тыршыше. Шуко окыман (тунемман). Тыгай лияш мыланем спорт дене кылым кучыдем полша. Мый волейболла модаш йоратем. Таңасымашлат лийынам. Шукерте огыл Уфашке миенна, нылымше верыш лектынна. Тиде мыланна кугу сеҗымаш.

Л.ГРИГОРЬЕВА.



Фермыште тыршен

Рита ковам 1940 ий 1 ноябрьыште шочын. 1948 ийыште икымше классыш тунемаш каен. 1954 ийыште, шым классым тунем пытарымеке, колхозышто ышташ тўгалын. 1956 ийыште дояркылан шогалтеныт. 1967 ий гыч йочасадыште поварлан пашам ыштен. 1982 ийыште уэш ушкал фермышке ўжыныт. Тушто куштылго лийын огыл. Ушкал презым ышташ тўгалын гын, ковам эрден эрат, йўдымат фермышке вашкен. Теве тыге тудо колхоз пашам ыштен.

Настя МАТВЕЕВА.
Татарстан, Агрыз,
Буймо.



**Погын
вашеш**

Марий-влак тўшкан кушто илат?

14-16 апрельыште Йошкар-Олаште Марий калыкын X Погынжо эрташ тўгалеш. Тушко марий-влакын тўшкан илыме кундемла гыч делегат-влак толыт.

Марий-влак Российын кандаш регионшытыжо тўшкан илат:

◆ Марий Элыште; ◆ Пошкырт кундемыште; ◆ Татарстан Республикыште; ◆ Свердловск областьыште; ◆ Одо кундемыште; ◆ Виче кундемыште; ◆ Угарман кундемыште; ◆ Пермь крайыште.





Лудшо-влак.

Мутем чоңештыже!..

5 мартыште Национальный президент школ-интернатыште «Слово своё посвящаю...» почеламутым лудмо конкурс эртен. Тудым сылнымут пайрем манме шуэш. Молан? Уремыште – шошо, пүртүс ылыжеш да поэзий: марла, рушла, англичанла – йонга. Түрлө школ гыч толшо 80 наре уста ўдыр-рвезе утларакше ава нерген почеламутым каласкален.

Марла лудшо-влак коклаште (4–7-ше кл.) I верым **Морко район Унчо школын тунемшыже Анастасия Сидорова налын**. Туныктышыжо – Р.О.Оразаева. 8–11-ше классла коклаште **Волжский район Пётъял школын тунемшыже Алина Ямщикова** (туныктышо – Т.В.Иванова) сенгышыш лектын. Молат поэзий кумылым пөлеклышт.

Н.СЕМЕНОВА. (Авторын фотожо.)

Милляуша САМИГУЛЛИНА Морко район Нурўмбал школышто 9-ше классыште тунемеш. Изинек творческий шўлышан, сылнымутлан шўман, сочинений конкурслаште таңасен. Кызыт почеламутым возкала. Шыма, ласка койыш-шоктышан ўдыр – авалан кугу эңертыш. Ешыште шым икшы-ве кушкеш.

Пурыш садыш тудо,
Сывынжым чиен.
Изи кайык-шамыч,
Рўжге муралтен,
Шошым вашлиялыч
Унала вучен.

Шырчык

Мотор изи шырчык
Ломбешна шинчеш,
Пўрдын, чўчкалталын,
Тудо муралеш.

Шошо

Шинчын кайык укшыш,
Куанен мура,
Да колта мурсемым
Уло тўнялан.

Шошо толмым шижын,
Кайык-влак мурат.
Окна ончык толын,
Пеш чогыматат.
А пушенге-шамыч
Угыч шўлалтат.
Изи кичкым
луктын,
Вуйыштым рўзат.
Изурем кокла гыч
Вўд шорген йога,
Куаналын, тудо
Йылгыжал колта.

* * *

Угыч шошо тольо
Окна ончыкем.



Алина ТОПОРОВАН сўретше.
Советский, Ырша.

Чапланыше пўртна

Шочмо пўртемым кочам-ковам Тойметсола ялеш кугезе кочамын, Олык Ипайын, сурт олмешыже чоңеныт. Пўртна ончылан Олык Ипайлан шарнымаш кўм шогалтыме (**снимкыште**). Тораште огыл поэтын шынден кодымо кок кугу тополь кызытат кушкеш. Кажне эртен кайыше ты вереш чарналта, кўэш возымым лудеш, поэтым порын шарналта.

Ксения РЕЗВЫХ.

Морко, Кумыжъял.



Снеге

Снеге пеледалтын
Олык лапыштет.
Кайык мур(о)
коклаште
Ямлын койылден.
Шокшо кече дене
Снеге кўалеш.
Тамле пушым луктын,
Калыкым ўжеш.

Ломбо

Ломбо пеледалтын,
Тамлын ўпшалтеш.
Ош пеледыш денже
Сылнын пеш коеш.
Ломбо деке шукин
Ең-влак толылдат,
Тодышталын,
укшым
Атышке шындат.
Пеледалтын ломбо,
Кичкыш савырна.
Жап эртенак тудо
Тамлын шемалга.
А йоча-влак шукин
Ломбышко кўзат.
Кочкыт
шерышт темын,
Модыт, юарлат.



Конкур- сыш толшо паша.

Марий Купто

Марий Купто - мотор ялна,
Ме тый денет кугешнена.
Марий Купто, пеледышла
Пеледалт элыштына.
Марий Купто - шочмо вер,
Ўжара гаяк волгалт!
Лий куатле, лий чевер,
Мыланем тые кўлат.

Вадим АПАСОВ.

Марий Турек район.



Газалык лук

Шошым иммунитет
лушкыде-меш.
Тидлан кўра ноймо
шижалтеш, вий пыта.
Сандене шўр-торы-
кым, колым, тўрлў пучы-
мышым, пак-
часаскам утларак коч-
ман.



Ксения СОЗОНОВАН сўретше.
2-шо номеран Шернур школ.

«Кө- мыт нине улыт?»

йодыда гын, вашештем:
«Кубарик ден Кубарика».
Нуным 80-ше номеран йочаса-
дышкына Алёша Владимировын коча-
же конден. Уна-влак конструироват-
чале урокыш толыт, йоча-влакын
кидпаша мастарлыкыштым эскерат.



Н.В.ГОДУНОВА, воспитатель.
Йошкар-Ола.

Чеверын, курчак пагытем

Мутшо Мардан Раян.

Семже В.Алексеевын.

Писын

Шарнем, кузе мыйым авам
Конден йочасадыш вўден:
Ўрынам мый тунам, лўдынам,
А варажым моткоч чот келшен.
Тау тыланет, садикем,
Тау, кў мемнам шымаден,
Аванам алмаштен мыланна -
Садлан ме таум ойлена.
Весела тыште лийын эре,
Жапна эрталын шижде.
Чеверын, родной садикна,
Вашке парт коклаш шинчына.

Перкан лийже

Айс-та кешыр салат-ым ыштена.
КўЛЫТ: 2 кешыр, изиш сакырложаш, 1 кугу совла ўмбал.
Кешырым мушса, эрыктыза да тёркеш нўжыза. Тушко сакырложашым шавалтыза да ўмбал дене варыза.

Мар-тыште кўшыч пелта, ўлыч кыл-мыкта.

Индекс
Распечатать - 52713, МАП - 78574.
Тираж 1300 экз. Заказ 827.
Формат - А-4-8.
Директор-тўн редактор
Л.В.СЕМЕНОВА.
E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.ru,
Тел. 45-25-49(факс);
45-22-82.

УЧРЕДИТЕЛЬ-ВЛАК:
Марий Эл Республик-
се культур, печать да на-
циональность паша шо-
тышто министерстве, "Ям-
де лий" газет" кугыжаныш
унитарный казенный
предприятий.

Газетым Массовый коммуникаций сферыште да культур наследиим аралымаште законодательством шуктен шогым эскерыше Федеральный службн Приволжский федеральный округысо управленийыштыже регистрироватлыме.
Номер - ПИ №ФС 18-1999,
2005 ий 10 февральыште пуымо.



Печатыш пуымо жап - 14-00,
фактически - 13-00.
Ак - кутырен келшыме почеш.

Авторын да редакцийын шонмашыш тўрлў лийын кертыт. Серыш-влак мўнгеш огыт коллат.

Газетым редакцийыште погымо да верстатлыме, оригинал-макет гыч савыктыме. Типографийын «СТРИНГ» ИПФ ООО-што ямде адресше: 424006, Йошкар-Ола, Строитель урем, 95.

Редакцийын да издателын адресше: 424006, Йошкар-Ола, СССР Вооружённый Вийын 70-ше идалыкше урем, 20.

Вот вет, кузе вет

– Авай, мый таче могай тувырым чиём? – мушкылтшыжла йодеш Петя.
– Кўчык шокшаным. А молан йодат?
– Ай, кидвургем мушкаш але уке – палынем ыле.



Марий самырык театрлан – 25 ий

Сўретым чиялтыза.



«Идал дек кайыме корно» (А.Петров.)



Почыштым муан полю.

Поч молан кўлеш?

Павлинлан, лира лўман кайыкклан поч моторлыкым пуа. Фазан ден агытанат мотор почышт дене моктанен кертыт.




Ур ден урымдылан почышт парашютым алмашта.

Пушенге гыч мландымбаке волымышт годым почышт писын тōршташ огеш пу.

Сўретыште мыняр да могай янлык-влак шылыныт?

Кирилл РАДИОНОВ. Волжский, Кугу Порат.



Кажне радамыште уто цифрым му.

2, 3, 6, 7, 11, 8.
18, 12, 3, 29, 45, 28.
10, 20, 30, 36, 40, 50.
172, 162, 152, 145, 132, 182.
124, 129, 122, 137, 125, 128.
861, 851, 841, 961, 881, 801.



Тошто мут-влак

Кызыт ме шуко тошто мутым мутланымаште огына кучылт. Айста нуным шарналтена.

- 1.Тўшка польыш.
- 2.Кўлдымаш.
- 3.Кишланыше, кычалтылше.
- 4.Чыла, пўтынь.
- 5.Пўрö.
- 6.Йозак, налог.
- 7.Висвис пеледыш.
- 8.Мо-гынат ок сите.
- 9.Пелыгыч.
- 10.Пöрт-öнчыл мучаш.
- 11.Кўкшака.
- 12.Тан, йолташ.
- 13.Кумалаш, чоклаш.
- 14.Сур, чал.

Алёна ВАСИЛЬЕВА.

Морко, Эгерсола.

К	1		М							
Р		2	А							
О	3		Р							
С		4	И							
С	5		Й							
В										
О		6	Л							
Р		7	И							
Д		8	Т							
	9		Е							
		10	Р							
	11		А							
		12	Т							
		13	У							
		14	Р							

ТУШТО
Вўдыш шуэт – ок коло, тулыш шуэт – ок йўло.